



Distantzia <b>5,9 km</b>	Desnibela <b>307 m</b>	Iraupena <b>2h15</b>	Tipologia <b>Itzulia</b>	Zedarriak <b>PR</b>
-----------------------------	---------------------------	-------------------------	-----------------------------	------------------------

Ezpeletatik abiatzean, txokolate fabrikako biribilgunean, hartu D249 errepidea, Itsasurantz. 1,5 km egin ondoan, joan eskuinera, Basaburuko auzorantz. 400 m urrunago, eskolatik hurbil aparkatu. Ibilbidea handik abiatzen da.

GPS datuak: **UTM : 625749 - 4797919 Lat/Long : 43,3235/-1,4490**

**E**zpeleta Euskal Herriko herri ezagunenetako bat da, batez ere bertako biperragatik. Herritik hurbil, ibilaldi labur eta atsegin hau egin daiteke, Lapurdiko ohiko ingurumenean. Batzuetan patarrak zutak bada ere, ahalegina beti sarizatua da, inguruetara dagoen ikuspegi zoragarriari esker. Hala, aro ederra delarik, Larrun mendia edo Ozeano Atlantikoa ikus daitezke. Goratasun apaleko pentze horietan, pottokak eta ardiak bidelagun izanen dituzu. Gainera, paisaia anitzeko ibilaldia da; izan ere, ibilbidean bazkalekuak eta oihanak aldizkatzen dira.



### 1. ZATIA > Abiatzea

UTM: 625749 - 4797919

Eskolatik abiatu eta errepidean 70 m ibili. Gero, joan ezkerrera, zuhaitzen azpitik doan bidetik. 100 m geroago, betoizko zubixka zeharkatu, eta berehala ezkerrera hartu, gorriz eta zuriz seinalatutako GR bideaz axolatugabe. Errekaren hegitik 200 m ibili.

### 2. ZATIA > Pentzeak

UTM: 625918 - 4798009

Erreka zeharkatu. Gero, bi hesien artetik igo, gasna ekoizten duen etxalde handi batera iritsi arte. Etxaldearen itzulua egin eskuinetik, bide zabal batean egonez.

### 3. ZATIA > Errepidea

UTM: 626396 - 4797699

Gero, ibilbidea errepide ttipi batetik doa. Errepidea eskuinetik jarraitu behar da, eta 550 m ibili.

### 4. ZATIA > Igoera

UTM: 626585 - 4797985

Joan eskuinera, hesien artetik igotzen den bidexka batetik. 450 m-ko igoera zutaren ondotik, Legarreko lepoko errepidera iritsi. Errepidea baino 2 m lehenago, joan eskuinera, eta bidexkan gora ibili. 120 m urrunago, joan eskuinetik jarraitu behar den bide zabalago batetik. Igoera oraindik zaila da, Ezkandraiko ordokira eta kabalen korralera iritsi arte.



### 5. ZATIA > Bista ederreko jaitsiera

UTM: 626905 - 4797006

Korralea pasatu eta 100 m-ra, eskuinera jaitsi, ozeanoaren eta Lapurdiko zelaietara ikuspegi ederra eskaintzen duen bidexka zabal batetik. Kontuz ibili, jaitsieraren lehen zatia zuta da eta harri-koskor ttipiak erraz itzulika daitezke.

### 6. ZATIA > Oihaneko freskura

UTM: 626353 - 4796933

Erreka zeharkatu baino 20 m lehenago, joan eskuinera, errekararen hegitik doan bidexka ttipi batetik. Bi atexka pasatu eta bide zabalago batera iritsi. Etxalde handira itzuli baino 200 m lehenago, joan ezkerrera eta 70 m ibili.

### 7. ZATIA > Jaitsieraren amaiera

UTM: 626206 - 4797558

Eskuinaldeko hesi metalikoa pasatu, eta bidetik jarraitu, betoizko zubixkan joaneko ibilbidea aurkitu arte. Eskolaraino ibili.



## INTERESGUNEAK

### ❖ Basaburu auzoa

Auzo hau haran ttipi eta eder batean dago, begiluzetatik urrun. Ezkandrai, Atharri eta Errebiko gailurren artean dago, eta duela 200 eta 300 urte arteko hamar baserri ditu. Nahi izanez gero, gasna, xingarra eta tokiko beste jaki berezi batzuk eros ditzakezu hor.

### ❖ Ezkandraiko korralea

Ezkandraiko korralea 385 m-ko altueran dago, eta atsedendaldi goxoa eskaintzen du. Handik, ikuspegi bikaina dago Lapurdiko probintziaren zati handi batera. Eta kabalak mendian dauden garai batean ibiltzeko aukera baduzu, behiak eta zaldiak agurtzen ahalko dituzu.

### ❖ Euskal Herriko ardi arrazak

Ipar Euskal Herrian aurki daitezkeen 3 ardi arrazak guti gorabehera Iparraldeko hiru probintzietan banatuak dira: euskal-biarnesa Xiberoan, manex buru beltza Baxenabarren, eta manex buru gorria Lapurdin -ibilaldiaren probintzian-.



## ARRETAZ IBILTZEKO LEKUAK

- Jaitsiera zati maldatsu eta harritsu, ez zaie gomendatzen hasiberri edo oinetako egokirik ez dutenei

UTM: 626905 - 4797006

- Artzain eremua : hesiak hets, abereak ez beldurtu, xakurrak loturik atxik, abere taldeetarik aski urrun egon



# Ibilbideen erabilbidea

## ZAILTASUN MAILEN ADIERAZLEAK

Oinezkoen mendi ibilbideak zailtasunaren arabera sailkatuak dira zirkuitu bakoitzaren fitxa praktikoan.

**Oso erraza:** 2 oren baino guttiagoko ibilaldia. Familian egiteko arras egokia, bide ongi markatuetan.

**Erraza:** 3 oren baino guttiagoko ibilaldia. Familian egin daiteke. Bidexka batzuetan pasagune zailxeagoetan pasatuz.

**Ertaina:** 4 oren baino guttiagoko ibilaldia. Ibilbideko ohitura duten ibiltariarentzat. Batzutan kirol mailako lekuetan edo desnibela duten maldetan.

**Zaila:** 4 oren baino gehiagoko ibilaldia. Ohitura duten ibiltari

kirolariarentzat. Ibilbidea luzea edota zaila da (desnibelatua, pasagune korapilatsuak).

## MENDI BIZIKLETAZKO IBILALDIAK:

**Oso erraza:** bide zabala eta gurpiletarako egokia; 300 m baino guttiagoko desnibela.

**Erraza:** gurpiletarako nahiko egokia den bidexka; 300m baino guttiagoko desnibela.

**Ertaina:** bidexka teknikoak, 800 m baino guttiagoko desnibela.

**Zaila:** bidexka oso zaila, 300 eta 800 m arteko desnibela.

## DESNIBELA

Fitxetan agertzen den desnibela, igoera guzieren gehiketa da.

## IBILALDIAREN IRAUPENA

Zirkuitu bakoitzarentzat emana den iraupena gutxi gorabeherakoa da. Kontuan hartzen ditu ibilbidearen luzetasuna, desnibela

eta izan litezkeen zailtasunak. Ibilaldi denbora geldialdirik gabe kalkulatu da.

## PR® LABELIZATUAK DIREN IBILBIDEAK

Label horren bitartez, Oinezko Ibilaldien Frantziako Federazioak onesten du oinezko ibilbide andana bat, kalitate irizpideen arabera. Hautua egiten da, plazer irizpideen, irizpide teknikoan, turismo eta ingurumen irizpideen arabera (informazio gehiagorako: [www.ffrandonnee.fr](http://www.ffrandonnee.fr))

## GPS DATUAK

Abiapuntuaren datua, latitude/longitudetan ematen da, zure ibilgailuaren GPSan sar dezazun. Gainerako datuak (ibilbidearen geldiguneak) UTM datuetan emanak dira. Hona erreferentziatzeko formatua: WGS 84 - UTM 30T

# Jokamolde egokiak mendi ibilaldietan

**Ipar Euskal Herriko bidexketan ibili nahi bada, natura errespetatzen duen jokamoldea izan behar da, baina baita lurralde hori biziartzaren duten emazte eta gizonak errespetatzen dituen jokamoldea ere. Horretarako, garrantzitsua da arau batzuk errespetatzea.**

## Abiatu aitzin, presta zaitetz

- Ez zaitetzela abia beharrezkoa den materialik gabe (mapa, ura, jantzi egokiak, etab.).
- Ez zaitetzela bakarrik abia edo, hala eginez gero, hurbileko bati edo herriko etxeari jakitera emazioz (zenbait lekutan telefono sarrerik ez da eta ezin atzemana bilaka zaitetzke).
- Erreketako ura ez ezazula edan eta ez zaitetzela honetan baina.
- Eguraldiari buruz informa zaitetz, erabat alda daiteke. Jakinean izan zaitetz garai hauetaz: lur-erretze, ihizi, oihan-lanetako eta abar.

## Natura zain ezazu

- Zakua har ezazu zure hondakinak eramateko.
- Abereak urrunetik eta isilik beha itzazu.
- Basalorerik, baiarik edota onddorik ez ezazula bil baimenik gabe.
- Lekuan emana den seinaletika errespetatu ezazu eta zaude bidexka zedarrituetan.

## Laborantza eta artzaintza aktibitateak errespetatu itzazu

- Autoan ibil zaitetz emeki abere taldeetatik hurbiltzean.
- Autoa aparka ezazu horretarako antolatutako diren lekuetan, zirkulazioa ez trabatzeko
- Ez zaitetzela ibiltzera joan zure zakurrarekin, bestela, loturik atxik ezazu.
- Xeilak hets itzazu, handik pasa ondoan.
- Ibilbideen gaindi dauden jabego pribatuak errespetatu itzazu.
- Libre diren animalengandik urrun egon zaitetz eta ez itzazula bazka.
- Ez ezazula surik eta barbakoarik pitz.
- Kanpa ezazu baimenduak diren guneeetan bakarrik.

## Zure hondakinen kudeaketa

Zure ibilaldietan, hondakinak zure bizkar-zakuan atxiki itzazu. Etxerat heltzerakoan, hondakinak bereizi itzazu eta bigarren bizi bat ukan dezakete!

## ZEDARRITATZE ITUNA

Hemen aurkezten dizkizugun bidexkak oinezkoen ibilbideak dira (PR®) eta horiz markatuak dira. Halarik ere, bide zati batzuk ibilbide luzeekin (GR) batera litezke; eta kasu horietan, marka zuri-gorri jarraitu beharko zaizkie. Ibilbide fitxetan zehaztuko zaizu hori.

	PR® TOKIKO BIDEXKA	GRP® PAYS TOKIKO IBILBIDE LUZEA	GR® IBILBIDE LUZEA	VTT BIDEXKA
Norabide ona	—	—	—	▲
Itzul ezker	└┘	└┘	└┘	◀
Itzul eskuin	┘└	┘└	┘└	▶
Norabide okerra	✕	✕	✕	✕

## ZENBAKI BALIAGARRIAK

- Météo France:  
08 99 71 02 64 edo 32 50  
edo [www.meteofrance.fr](http://www.meteofrance.fr)

- Sokorriak: Larrialdietarako zenbakiak: 112 - SAMU 15 - SUHILTZAILEAK 18



## ZURE IRITZIA GURE BIDEKKEI BURUZ

Proposatzen dizkizugun ibilbideak arreta handiz landu ditugu. Zure irudipenak eta oharrek gure bidexken egoerari buruz interesatzen gaituzte, eta bidexkak egoera onean atxikitzeko aukera ematen digute. Gonbidatzen zaitugu edozein arazo edo ohar baliagarriak jakinaraztera: [sentinelles.sportdenature.gov.fr](http://sentinelles.sportdenature.gov.fr)

## HELBIDE BALIAGARRIAK

**Euskal Elkargoko Turismo Bulegoa**  
Turismoko Harrera bulegoak:

- EZPELETA, karrika nagusia  
+33(0)5 59 93 95 02

- SENPERE, pilota plaza karrika  
+33(0)5 59 54 11 69

- AINHOA, karrika nagusia  
+33(0)5 59 29 93 99

- SARA, Herriko Etxea  
+33(0)5 59 54 20 14

- AZKAINA, Olhetako bidea  
+33(0)5 59 54 00 84

- URRUNA, René Soubelet plaza  
+33(0)5 59 54 60 80

## Kanboko Turismo Bulegoa

Avenue de la mairie  
+33(0)5 59 29 70 25

## PROFESIONALAK

Brebetadun profesional eta animatzaile anitzek laguntzen zaituzte ezagutuak diren bidexketatik kanpo. Haien zerbitzuetaz gozatzeko, harremanetan jar zaitetz Euskal Elkargoko Turismo Bulegoaren turismoko harrera bulegoekin.